



SAKSGANG			
Styre, utvalg, komite m.m.	Møtedato	Saksnr	Saksbeh.
Odda valgstyre	09.09.2010	003/10	HJo04065
Odda kommunestyre	22.09.2010		HJo04065

Sentral valeining under Kommunal og regionaldepartementet (KRD): Høyringsfråsegn Odda kommune

Vedlegg:

- 1 Høyringsbrev frå KRD
- 2 **Valget kval ?**: DIFI (Direktorat for forvaltning og IKT) sin rapport og oppretting av (eventuell) statleg sentral valeining : Samandrag og side 1- 14

Framlagt : Komplette rapport frå DIFI

Rådmannen sitt forslag til

vedtak:

Odda kommune vil tilrå at det vert oppretta ei **statleg sentral valeining / statlig sentral valgenhet (SSV)** som ivaretek dei **løpande** og **praktiske** oppgåvene som ligg til statsforvaltninga i samband med avvikling av Stortingsval, Fylkestingsval, Kommuneval og nasjonale folkerøystingar på minimum følgjande felt :

1. **Oppretta, drifta og distribuera kostnadsfritt til valstyra i kommunar og fylke minst 2 permanente og separate elektroniske manntal.** 1 til Stortingsval og 1 til fylkestingsval / kommunestyreval, samt stilla til rådvelde manntal til nasjonale folkerøystingar og samemanntal til dei valstyre som er aktuelle på same premisser.
2. **Oppretta og drifta av eit statleg elektronisk valsistem** som skal vera landsdekkande og minst omfatta Stortingsval, Fylkestingsval, Kommuneval, Sametingsval og nasjonale folkerøystingar
3. **Utforming, produksjon og distribusjon av lovbestemt valmateriell** til valstyra i fylka og kommunane.
4. **Utforming av og standardinnhald på valkorta**, og ha koordinatorrolle /ansvaret for kontakt med produsent av valkort inkl rammeavtale med postverket for distribusjon av desse så lenge valkort er lovpålagte dokument, samt dekke kostnadane for dette ved Stortingsval.
5. **Opplæringstiltak / informasjonstiltak inkl produksjon og distribusjon av informasjonsmateriell og rettleiingar til valstyre og veljarar**

6. Stilla til rådvelde godkjent og gratis legitimasjon **til dei veljarane som treng dette og aktivt ber** om det for å kunna røysta lovleg – jmf. kravet om legitimasjon og at valhandlinga skal vera utan kostnader for veljaren.
7. Utarbeiding / oppdatering av Valhandbok i samarbeid med KRD før kvart val.
8. Utvikla eiga nettside med relevant valinformasjon både for veljarar og valstyre.
9. Stilla til rådvelde manntal / grunnlag for manntal til gjennomføring av lokale (kommunale/ interkommunale) folkerøystingar og bidra med valtekniske løysingar ved slike val.
10. SSV vert løpande vurdert å ha det operative ansvaret for: Valnattsystemet når organet er etablert.

11. Odda valstyre legg til grunn:

- a. Ovanstående opplisting er sentrale og viktige oppgåver ved valavvikling som må løysast og som om dei vert løyst på ein god måte vil styrka og underbygga den demokratiske utviklinga i landet.
- b. Å konkretisera og definera sentrale arbeidsoppgåver som KRD ønskjer avlastning på og som kan overførast til ei sentral valeining (SSV) vil vera ein meir fruktbar start enn teoretiske drøftingar om sekretariatrollen eller direktoratsrollen skal leggst til grunn for prosessen. Uansett vil det bli eit både og. Spørsmålet om sekretariatsfunksjon / direktoratsrolle vil då bli løpande vurdert under marsjen.
- c. At SSV si etablering vert vurdert i eit distriktpolitisk perspektiv og sett ope og uhilda på som lokalisering av statlege arbeidssplasser

Rådmannen i Odda 09.07.2010

Bakgrunn

Kommunal og regionaldepartementet (KRD) har bede Direktoratet for forvaltning og IKT (DIFI) å greia ut spørsmålet om oppretting av ein statleg sentral valeining (valgenhet) Denne er no sendt på høyring til kommunane med frist 1. sept. 2010

Sjølve rapporten vert i liten grad / ikkje kommentert i saksutgreiinga. Eg har i staden utarbeidd ein detaljert, omfattande og spissa forslag til vedtak og ser på denne som Odda kommune sitt forslag til uttale .

Forslag til vedtak er både ei støtte til etablering av ei statleg valeining og ei sterk støtte til at staten tek sterkare praktiske grep om gjennomføring av offentlege val - Stortingsval, fylkestingsval, kommunestyreval, nasjonale folkerøystingar og sametingsval.

Dette må koma til uttrykk når det gjeld

- Oppretting, drift og distribusjon av manntal for dei ulike vala
- Utvikla og drifta eit samlande og samordna valsystem – inkl. ”sertifisering” av valteknisk utstyr som skal brukast
- Trykka og distribuera lovpålagt valmaterieil
- Trykt informasjon / informasjon på nett om val både til fylke og kommuner og til folk flest
- Valhandboka
- Bidra til opplæring av valstyra / sekretariat for valstyra
- Utforming og standardinnhald av valkorta / sentral avtale for distribusjon
- Rapporteringsrutiner